

eius dispositione & vase, si lento igne omnia regantur, philosophorum inde lapidem procreari necesse erit, Recte sane quis ita ratiocinari posset, si semen lapidis purū & numeris omnibus absolutum natura nobis tradidisset, prout frumenti granum aut alterius vegetabilis semen, quod terræ commissum & solis calore fotum, cœlique rore madefactum absque hominis adiutorio confurgit in speciem similem ei unde habuit originem, Sed naturā non est concessum à Deo, vt inquit Lullius, quod lapidem philosophorum possit generare sine ingenio & operatione manuum humanarum. Ideo præcipiunt philosophi lapidem corporea mole liberari, deinde mundari à suis superfluitatib⁹, quod vt assequantur, varia describunt regimina, quæ omnia igne tam lento fieri non possunt. Propterea nonnulli quatuor ignis gradus præcipuos tradunt, præteritis inter hos medijs. Et quamuis unico igne per omnia æquali Elixir perfici posset, difficile admodum iudicare esset, unde ignis ille componi, & caloris huiusmodi excitari possit, cum in eo maxime varient auctores, Quidam enim balnei calore, cinerum aut arenę materiam suam continendam asserunt. Au-

K 5 etor

Test. c.88.